

## دعالاریمیزی استجابتی اوچون نه ائدک؟

انسان، اللهین وئردیغی عقل اینن و متخصص انسانلارینان مشورت ائله ماغینان ایشه باشلامالیدیر و عین زماندا اللهدان اونو بو یولدا موفق ائله ماغینی ایسته مه لیدیر.



انسان، اللهین وئردیغی عقل اینن و متخصص انسانلارینان مشورت ائله ماغینان ایشه باشلامالیدیر و عین زماندا اللهدان اونو بو یولدا موفق ائله ماغینی ایسته مه لیدیر. حقیقتده دعانین اصل معناسی بودرو: هدفه چاتماغا لاپ دوز ایشلری گؤرمک و اللهدان کؤمک ایسته مک. بئله لیغینان دعا ایکی قسمتدن عبارتدیر: 1. لازم اولان ایشلره اقدام ائتمک. 2. اللهین کؤمگینه اومود باغلییب اونا یالوارماق.

نتیجه ده بیر ایشین هدفه چاتماسی اوچون هم فیزیکی ایشلر و هم معنوی حال لازمدیر. اما بوننان بئله بعضاً ایشین نتیجه سی هر شئی دوزگون ائله دیغیمیزا رغماً ایسته دیغیمیز کیمی اولمور. بئله نچی وضعیتده تکلیف نه دیر؟

دعانین مستجاب اولماسی همیشه ایسته دیغیمیز ایشی گؤره بیله جاغیمیز معنادا دئییل. بعضاً ایشلرین بیز ایسته دیغیمز زمان گؤرولمه سی مصلحت اولمور مثلاً بیر ایل سونرا واقع اولسا بیزه داها مصلحتلی اولار. بعضاً ده بیر ایشین اجرا اولونماسی اصلاً منفعتیمزه دئییل اما بیز اصرارینان اونو بئرینده اوتورتماغا چالیشیروق. بوجور وضعیتلرده گؤرورسن نه قدر چالیشیرسان و دعا ائلیر هنج فایداسی اولمور کی اولمور.

انسان بیر ایستگین بئرینه گتیریلمه سینیی ایسته سه اونون یولونداکی مانعلری ده آرادان گؤتورمه لیدیر. دعالارین مستجاب اولونماسیندا گناهلار همیشه مانع یارادیر. کمیل دعاسیندا گؤزل بیر عبارت وار: « اللهم اغفر لي الذنوب التي تحبس الدعاء / اللهیم دعانی حبس ائله ین گناهلاریمی باغیشلا. / بو دعا بعضی گناهلارین دعانین استجابتینه مانع اولماسیندان خبر وئیر.

لینک مطلب در سایت : <http://torki.tebyan-tabriz.ir/?MID=21&Type=News&id=944>